

AK 387, 21^a
597

(Katal. v. M. 1795)



2/4

Zwen Sendbrieff/einer

Papsts Adriani des vierten. Der ander Kayser
Friderichs des ersten / Barbarossa genant / auff's
einfeltigst verdeutschet / den vbermessigen / des
Papsts vnd seiner Cardinel vñ Bischoffen gewalt
vnd bracht betreffent / nutzlich vnd lustig zu
lesen / Geschrieben / ongeuerlich vor drey
hundert vnd achtzig jaren.



118, 788, 211

Faint, illegible text, possibly bleed-through from the reverse side of the page.



Adrianus Bischoff/ein

diener aller diener Gottis ꝛ. Kayser Frideri-
chen/merern des Reichs ꝛ.

Vnsern gruß vnd Apostolischen seggen. Wie
das götlich gesetz/den ihenigen/so ire eltern in
ehren halten/langes leben verhaist/Also troet es
auch denen/so vatter vñ muter fluchen/das vntail
des todes. Wir werden aber auch durch die stym̄
der warhait geleret/das ein yeder der sich erhöhet
gedemütigt / vnd der sich demütigt/erhöhet wer-
de. Derhalben wir / lieber Son in dem herrn/
vns nit wenig vber deinem vnuerstand verwun-
dern/das du dem heyligen Petro/vnd der heyligē
Romischen Kirchen ime befolhen/nicht so grosse
ehre/als du schuldig bist/erzaigen erscheinst. Dañ
in deinem briefe/vns zugesant/setzest du deinen na-
men/dem vnsern vor/damit du in den tadel der sel-
bamkeit/wil nicht sagē/der stolzheit/fellest. Was
solich aber sagen von der Trew/dem hailigen Pe-
tro vnd Vns/von dir gelobt vnd geschworn/wie
du die selbige haltest? So du von denen/die da
Götter sein/vnd alzumal kinder des aller höchstē/
nemlich/den Bischoffen/aidspflicht begerest/treu
erforderst/vnd ire geweychte hende/in deinen hen-
den verstrickest? Vñ vns offentlich widerwertig/
ij den

den Cardineln von vnserer seyten gesandt/nicht al
lein die Kirchen/ sondern auch die Stette deines
Reichs verschleusstest. Darumb pesser dich/pesser
dich/das thaten wir dir. Dañ dieweil du von vns
die Salbung vnd Kron erworben/vnd nun nach
vnerlangten dingen greiffest/besorgen wir/du mö
chtest/was deinem Adel verlihen worden/ ver
lieren. Geben zu Preneste den viij. Julij.

Friderich von Gottes

gnaden/ Römischer Kaiser/ vnd alzeit ein merer ic.
wünscht Adriano der Gemeynen Kirchen hohen
Priestern. Allem dem/ das Jesus gethon vnd ge
leret hat/ anzuhangen. Das gesetz der gerechtig
keit gibt einem yeden das seine wider/ Dañ wir bre
chen vnsern voreltern nichts ab / denen wir in di
sem vnserm Keych/ gepürliche Ehr erzaigen/ von
welchen / vnsern voreltern / wir die wyrde des
Keychs / vnd die Kron empfangen haben. Dañ
es findet sich nirgen/ das Papst Siluester/ vor den
zeitē Constantini/ einich Regal gehabt/ sonder aus
des selbigen gütigkeit/ ist der Kirchen frid gegeben/
vnd freyheit zugestelt worden/ vnd was ewr Bab
stumb heutigs tags für Regal hat / das hat es aus
miltigkeit der Fürsten. Daher/ wir/ wañ wir dem
Römischen Bischoff schreiben/ von rechts wegen/
vnd nach altem herkommen / vnsern namen / dem
ewern fürsetzen. Vnd lassen euch solchs widerunñ/
wañ ir vns schreibet / nach dem maß der gerech
tigkeit/ zuthon auch zu/ Durchsuchet die alten histo
rien/ vnd habt irs vor nicht gelesen/ so werdt ir da
selbst finden/ das wir sagen. Von denen aber / die
da Götter sein/ aus gnaden/ vñ vnser Regal innen
haben/ warumb solten wir ayd/ vnd Regal pflicht
nicht erfordern? Dieweil Ewr vnd Unser warer
iij lermey=

lermeyster / der von dem König / so ein mēsch war /
nichts empfieng / sonder yederman alles guts bewi
se / vnd für sich vnd für Petrum / dem Kaiser den
zins bezalet / euch ein exempel gebē hat / das ir auch
also thun solt / vñ gesprochen: Lernet von mir / dan
ich bin sensstmitig / vñ demütig von hertzen. Der
halben / sollen die Bischoff / eintrweder die Regalia
vns lassen / oder aber / so sie inen die selbigē nutzbar
achten / Gott / was Gottis ist / vñ dem Keiser / was
des Kaisers ist / zustellen. Ewri Cardināln a=
ber / sein die Kirchen beschlossen / vnd die Stett nit
offen / dan wir befunden sie nicht Prediger / sonder
berauber. Nicht die den fryd stercken / sonder dz gelt
zu sich reysen. Nicht der Christenheit besserer / son
der vber die massen vnersettigte verzerer. Wan
wir sie aber / dermassen werden ersehen / wie die
Christlich Kirch erfordert / das sie frid bringen / vñ
das vaterland erleuchten / vnd der geringen vnd ar
men sache / der billichkeit gemess / vrtelē / oder örtern /
wollen wir sie / mit gebürlicher besoldung / vñ ver=
glatung / zu vnterhalten / nicht seumiz sein. Es
wolle aber Ewri Heiligkeit fürsehen / das sie nicht /
wan sie solche ding beredet / ein ergernus darstelle
den ihenigen / die ire ohren / zu den Worten ewers
mundts / als zu einem abent regen zu naigen eylen /
Dan wir können das wir hören / vnuerantwort
nicht lassen / dieweil wir sehen / das die schendli=
che


che Bestia der hochfart / bis auff Sant Peters
Stul / gekrochen ist. So ir dem frid der Kirchē
alzeit wol versteht. Gehabt euch wol.

PK 77/95

X 2206833

hc





Retel. J. Miroll.

II n
1795

ndbrieff/einer
vierten. Der ander Kayser
/ Barbarossa genant / auff's
t / den vbermessigen / des
rdinel vn̄ Bischoffen gewalt
ent / nutzlich vnd lustig zu
en / ongeuerlich vor drey
nd achtzig jaren.

BIBLIOTHECA
PONTICAVIANA

8
7
6
5
4
3
2
1
inches
Centimetres
19
18
17
16
15
14
13
12
11
10
9
8
7
6
5
4
3
2
1

B.I.G.

Farbkarte #13

Black
3/Color
White
Magenta
Red
Yellow
Green
Cyan
Blue